

## CYNGOR CYMUNED MANORDEILO A SALEM

### CYFARFOD 14<sup>eg</sup> MEHEFIN 2017

Cynhaliwyd cyfarfod o Gyngor Cymuned Manordeilo a Salem am 7.30pm ar y 14<sup>eg</sup> Mehefin 2017 yn yr Ystafell Ddarllen, Cwmifor.

#### PRESENNOL

Cynghorwyr Alun Davies, Gwenfil Evans, Hubert Gwynne, Peter Harries, William Loynton, Owen Williams a'r Cynghorydd Sir Joseph Davies.

#### 1. CROESO AC YMDDIHEURIADAU

Croesawodd y Cyng G. Evans y Cynghorwyr i'r cyfarfod. Derbyniwyd ymddiheuriadau gan y Cynghorwyr Arwel Davies, Doris Jones ac Andrew Thomas.

#### 2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. W. Loynton ac roedd pawb yn gytûn, bod cofnodion y cyfarfod diwethaf a gynhaliwyd ar y 10<sup>fed</sup> Mai 2017, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

#### 3. DATGANIADAU O DDIDDORDEB

Dim.

#### 4. MATERION YN CODI

4.4.4.4.12.3. Mewn perthynas â'r biniau baw cŵn, dywedodd y Cyng. J. Davies bod un bin wedi'i osod ym mhen gogleddol Cwmifor a'r bwriad yw gosod un arall cyn bo hir ym Mhont Isaac gyda bin ychwanegol wedi'i osod yn Salem. Mae'r tri yn finiau y gellir eu defnyddio i waredu baw cŵn.

4. 4.10iv) Mae'r arwyddion ar gyfer cabinetau'r diffribliwr wedi'u harchebu gan 'Realm Signs'.

4.5viii) Bydd y Clerc yn ysgrifennu unwaith eto i Lywodraeth Cymru mewn perthynas â phryderon y Cyngor ynghylch diogelwch ffordd ar yr A40 yn ardal Gorsaf Betrol Manordeilo. Clerc

4.5ix) Mae'r Canllaw Cynghorydd Da wedi'i anfon ar e-bost at bob Cynghorydd er mwyn iddynt gyfeirio ato.

11iv) Mewn perthynas â thorri porfa yn Ardal Chwarae Caledfwlch, yn dilyn holi C.S.C. a hefyd holi'n lleol mae'n ymddangos mai'r Cyngor Sir sy'n cynnig y gwasanaeth gorau a gwerth am arian. Mae'r toriad cyntaf wedi'i wneud i safon uchel a'r gost fydd £31 y toriad gydag amcangyfrif o 12 toriad yn ystod y flwyddyn sy'n dod i gyfanswm o £372.00 gyda TAW ar ben hynny ond gellir hawlio hynny yn ôl.

12i) Mae Strategaeth a pholisi Ar lein y Cyngor wedi'i anfon at Gynghorwyr ar e-bost er mwyn iddynt gyfeirio ato.

13A Adroddodd y Clerc bod hysbyseb wedi'i osod ar y wefan a'r hysbysfyrddau yn gwahodd unrhyw un sydd â diddordeb i gynnig eu henw i'w cyfethol ar y Cyngor. Derbyniwyd dau lythyr: un gan Mrs Kim Davies, Glanrhyd Station House, Manordeilo ac un gan Mr Dorian Jenkins, Llwydcoed Uchaf, Penybanc. Yn dilyn ystyried eu ceisiadau, cynigiwyd gan y Cyng. W. Loynton, eiliwyd gan y Cyng. J. Davies a chytunodd pawb yn unfrydol y dylid cyfethol Mrs Davies yn aelod o Ward Cwmifor a Mr Jenkins i'w gyfethol yn aelod o Ward Salem; Clerc i weithredu. Clerc

13B Mae'r premiwm yswiriant o £257.60 wedi'i dalu ac mae Zurich wedi dweud y byddant yn cadw at argymhelliad y syrfêwr coed mewn perthynas â pha mor aml y dylid gwneud arolwg o'r coed yn Ardal Chwarae Caledfwlch o hyn ymlaen.

14i) Mae'r Clerc wedi ysgrifennu at C.S.C. mewn perthynas â phryderon y Cyngor yn dilyn cau Canolfan Ailgylchu Llangadog a darllenwyd yr ymateb wrth Mr D. John, Rheolwr Gwasanaethau Gwastraff yn y cyfarfod. Dywedodd bod y Cyngor Sir yn rhannu'r pryderon hyn a bod ymdrech yn cael ei gwneud i ddatrys y sefyllfa, mae arolwg yn cael ei wneud i "ddatblygu opsiwn sy'n golygu fod yna werth am arian gan wneud cymaint â phosib o ailgylchu a gwyro wrth leihau gwastraff gweddillol".

#### 5. GOHEBIAETH

i) Cyfriflen Banc Lloyds dyddiedig 01/06/2017, Taflen Rhif 93, Gweddill £6,766.00.

Nodwyd

ii) Cyfriflen Banc HSBC dyddiedig 15/05/2017, Taflen Rhif 322, Gweddill £171.49.

Nodwyd

iii) C.S.C. Enwebiad am gynrychiolydd ar Bwyllgor Safonau C.S.C. Yn dilyn trafodaeth, cynigiwyd gan y Cyng. P. Harries, eiliwyd gan y Cyng. J. Davies gyda phawb yn gytûn y dylid cyflwyno enw'r Cyng. O. Williams i'w ystyried.

Clerc

iv) C.S.C. Grant Ffyrdd Mwy Diogel mewn Cymunedau.

Nodwyd

v) Heddlu Dyfed Powys, cyngor parthed cynulladau cyhoeddus a "Blychau Gwyliau."

Gwefan

vi) Comisiynydd Heddlu a Throsedd Dyfed-Powys parthed dewis iaith wrth gyfathrebu. Mae'r Clerc wedi ymateb trwy ddynodi dwyieithog.

vii) Un Llais Cymru, Model Protocol Penderfyniadau Lleol ar gyfer Cyngorau Tref a Chymuned.

Clerc

viii) Un Llais Cymru, gan gynnwys hyfforddiant, cyfarfod pwyllgor ardal, cylchlythyron ac apwyntiadau cyhoeddus.

Nodwyd

ix) Gweithredu Ynni Lleol, Cynhadledd Clwb Tanwydd.

Nodwyd

x) CBC Fforwm Llinell Calon Cymru a Chyfarfod Bwrdd.

Nodwyd

xi) Urdd Gobaith Cymru, cais am gymorth ariannol.

Chwef

xii) 'Seafarers UK', Diwrnod y Llynges Fasnachol.

Nodwyd

## 6. ADOLYGIAD O'R GYLLIDEB

Mae Cyfriflen Banc 1 Mehefin 2017 yn dangos gweddill o £6,766.00; mae dwy siec gwerth £477.60 wedi'u hanfon ond heb eu cyflwyno sy'n rhoi union weddill o £6,288.40.

## 7. GOLEUADAU

i) Adroddwyd bod nifer o oleuadau ar yr A40 yn Rhosmaen ddim yn gweithio, Clerc i holi yn union pa rai a hysbysu C.S.C.

Clerc

ii) Adroddodd y Cyng. P. Harries bod polyn stryd newydd a golau wedi'i osod wrth ymyl Maesyderi, Salem.

iii) Cyng. O. Williams parthed y golau wrth ymyl Dyfnant, Golwg Y Gaer, Salem.

Clerc

## 8. LLWYBRAU TROED

i) Dim rhagor o wybodaeth mewn perthynas â chyflwr y naw sticil a gât ar lwybrau troed o amgylch Salem, Clerc i roi gwybod i C.S.C.

Clerc

ii) Bydd y Cyng. Arwel Davies y cadw golwg ar y gwaith cynnal a chadw sydd eisoes wedi'i wneud ar lwybr troed Tyle ac unrhyw waith fydd angen ei wneud yn y dyfodol.

Cyng. Arwel Davies

## 9. CYNLLUNIO

i) Cytunwyd y dylid cyflwyno'r sylwadau canlynol i Adran Gynllunio C.S.C.:

E/35644 Amlinellol ar gyfer Un Annedd Ar Wahân

Tir Wrth Ymyl Bryn-y-Wawr

Penybanc

Llandeilo

SA19 7SU

Ms K Dutton

**Dim Gwrthwynebiadau**

ii) Derbyniwyd Hysbysiad o Apêl Gorfodaeth mewn perthynas â wal sydd wedi dymchwel wrth ymyl ffordd gyda ffens 'shiplap' wedi'i roi nôl yn ei lle (Adeilad Rhestredig Gradd 1) Plas Taliaris.

## 10. ENILLION BLYNYDDOL

i) Hysbysodd y Clerc bod Mrs W. Phillips wedi cwblhau ei harchwiliad mewnol a darllenwyd ei hadroddiad yn y cyfarfod. Doedd dim materion yn codi a chasgliad yr adroddiad oedd: "Medraf gadarnhau bod cyfrifon 2016-17 yn dangos sefyllfa ariannol y Cyngor yn gywir ar 31<sup>ain</sup> Mawrth 2017."

ii) Trafodwyd a chwblhawyd yr Enillion Blynnyddol a'r Datganiad Llywodraethiant Blynnyddol. Cynigiwyd gan y Cyng. P. Harries, eiliwyd gan y Cyng. H. Gwynne gyda phawb o blaid y gellir cymeradwyo'r Enillion Blynnyddol ar gyfer y Flwyddyn yn Diwedd 31<sup>ain</sup> Mawrth 2017. Arwyddwyd gan y Cadeirydd a'r Clerc. Clerc i'w bostio at Grant Thornton, yr archwilwyr allanol, ynghyd â'r gwaith papur ychwanegol erbyn 16 Mehefin 2017.

Clerc

### 11. CYNNAL A CHADW MEINCIAU AC ARDAL CHWARAE CALEDFWLCH

- i) Mae'r Clerc wedi dod o hyd i ddyfynbrisiau ar gyfer meinciau parc wedi'u gwneud o ddeunydd wedi'i ailgylchu. Cynigiwyd gan y Cyng. W. Loynton, eiliwyd gan y Cyng. A. Davies ac roedd pawb yn gytûn y dylid prynu mainc o 'The Garden Furniture Centre Ltd' gyda'i dyfynbris o £349.99 a oedd yn sylweddol llai na'r ail ddyfynbris o £562.00. Clerc i brynu a threfnu gosod y fainc ar gyffordd y A40 gyda Heol Talylychau. Clerc
- ii) Mae'r meinciau ym Mhont Isaac a Manordeilo wedi'u trwsio a'u hail-osod ond nodwyd bod cyflwr cyffredinol y meinciau yn waeth na'r disgwyl. Mae'r gwaith ar yr hysbysfyrddau yn parhau a chytunwyd i wneud rhywfaint o waith ychwanegol er mwyn peintio'r fainc a chodi uchder yr hysbysfyrddau y tu allan i Ystafell Ddarllen Manordeilo.
- iii) Fel y cytunwyd yn flaenorol bydd y Cyng. W Loynton yn archwilio statws y coed i weld a oes angen gwneud unrhyw waith arnynt yn dilyn yr arolwg coed a wnaed y llynedd. Mae'r hadau porfa wedi'u prynu a chânt eu hau pan fydd y tywydd yn addas. Cyng. W. Loynton /Cyng. J. Davies

### 12. POLISI AR LEIN A CHYFRYNGAU CYMDEITHASOL

- i) Siaradodd y Cyng. O. Williams am bresenoldeb ar lein y Cyngor a'i weithgarwch ar y cyfryngau cymdeithasol ac adroddodd ar gynnydd sylweddol o ran ymweliadau â'r wefan, tudalennau 'face book' ac 'instagram'. Diolchwyd i'r Cyng. Williams am barhau gyda'r gwaith o ddiweddarau'r safleoedd a chytunwyd y byddai'n beth doeth i newid y cyfrineiriau, ac y byddai'n gwneud hyn. Cyng. O. Williams

### 13. CYFRIFON I'W TALU

- i) Yswiriant 'Zurich Municipal', premiwm yswiriant blynyddol, fel y cytunwyd yng nghyfarfod 20 Mai 2017, Siec Rhif 1221  
£257.60
- ii) Mrs Wendy Phillips, Archwiliad Mewnol, Siec Rhif 1222  
£150.00
- iii) Mrs Jane Davies, Cyflog a Threuliau'r Clerc, Siec Rhif 1223  
£597.07
- CYFANSWM £1,004.67**
- i) H.L. a A.W. Gwynne, rhent chwe mis am Ardal Chwarae Caledfwlch, Siec Rhif 100101  
£50.00

### 14. UNRHYW FATER ARALL

- i) Adroddodd y Cyng. P. Harries bod y paneli solar bellach mewn lle ar do'r Neuadd yn Salem, mae'r pecynnau batri'n gweithio ac ar hyn o bryd nid oes unrhyw gost o ran y trydan sy'n cael ei ddefnyddio yno.
- ii) Problemau o ran llifogydd ger Glanyrafon a choed yn tyfu dros y ffordd rhwng y fynedfa â Maesteilo a'r Sgwâr, y ddau yng Nghapel Isaac. Bydd y Cyng. J. Davies yn sôn am hyn wrth Adran Briffyrdd C.S.C.. Cyng. J. Davies
- iii) Unwaith eto codwyd y mater o geir yn parcio ar y gornel yn teithio tuag at Gapel Capel Isaac; Clerc i adrodd am hyn i Dîm Plismona Cymdogaeth. Clerc
- iv) Mae ceisiadau wedi dod gan un o'r trigolion lleol mewn perthynas ag adeiladu pafin o Bentref Cwmifor i'r Neuadd Bentref a'r posibilrwydd o waredu rhywfaint o'r berth gyferbyn â'r Neuadd er mwyn lleddu'r ffordd a lliniaru problemau parcio a mynediad. Yn anffodus teimlwyd nad oedd y ffordd yn ddigon llydan i fedru gosod pafin yno, fodd bynnag bydd y Cyng. J. Davies yn trafod hyn ymhellach gydag Adran Briffyrdd C.S.C. O ran y mater o barcio yn ardal y Neuadd, mae'r Cyngor Cymuned ynghyd â Phwyllgor yr Ystafell Ddarllen wedi bod yn ceisio dod o hyd i ateb i'r broblem hon ond er gwaethaf ymgynghoriadau a chyfarfodydd safle gyda'r Awdurdod Priffyrdd a Heddlu Dyfed Powys, penderfynwyd ganddynt na ddylid gweithredu.
- v) Mewn perthynas â'r cais am oleuadau ychwanegol wrth Ger y Llan, bydd y Clerc yn cyfeirio'r mater i Adran Goleuadau C.S.C.
- vi) Mae pedwar plac wedi'u hanfon gan A4A i'w gosod wrth ymyl y diffriblwyr fel cydnabyddiaeth o'r nawdd. Hysbyswyd gan y Clerc mai dim ond adrodd yn ôl ar sampl o brosiectau sydd ei angen i A4A Cronfa'r Loteri o ran y grant a bydd y Cyngor yn medru gwneud cais am grant arall ar ôl 19 Rhagfyr 2017.

Gan nad oedd unrhyw fusnes arall, diolchodd y Cadeirydd i'r aelodau am fynychu a daeth y cyfarfod i ben am 9.25pm.

.....12 Gorffennaf 2017

CADEIRYDD